

北京圖書館 編

北京圖書館藏珍本
年譜叢刊

第 86 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 86 冊



第八十六冊目錄

厚齋自著年譜	一
草亭先生年譜	六九
莘野先生年譜	八一
蓮洋吳徵君年譜	一一一
慈谿裘蔗邨太史年譜	一二一
南畝老人自訂年譜	一二一
曾一川自叙年譜	二五九
遂寧張文端公年譜	二七一
吳絳雪年譜	二八九
查他山先生年譜	二九九
山西太原城守尉兆寶善年譜	三七一
趙客亭先生年譜紀略	三七九
張清恪公年譜	四五五

厚齋自著年譜

淄川 張篤慶 歷友手編

篤慶自序曰按吾家自冀州之東強縣永樂間徙於淄川
傳世十二歷年三百有餘以及於篤慶而溯厥初遷實維

始祖諱子中字失傳始來占籍西關今負郭之西北高原余家

祖塋在焉累世大抵皆隱於農六世至

誥贈元祿大夫太子太保禮部尚書兼文淵閣大學士諱全

迨七世為

勅封承德郎禮部儀制司主事後

誥贈光祿大夫太子太保禮部尚書兼文淵閣大學士諱暴

字臨贊洎八世為余

高祖儀部公

諱

敬字爾和號松石嘉靖戊午舉人萬歷丁

丑進士初授中書舍人陞禮部儀制司主事以文行兼
優教習駙馬丁外艱歸卒於家後以子貴

誥贈光祿大夫太子太保禮部尚書兼文淵閣大學士有
文集行世九世為余

曾祖相國少保公

諱

至發字聖鵠號憲松儀部公季子

也萬歷丁酉舉於鄉辛丑成進士兩為縣令擢御史巡按
河南治績為臺臣第一游歷鄉寺以少司寇特簡入閣典
晉階光祿大夫累官太子太保禮部尚書兼文淵閣大學士

予告馳驛回籍欽召四次以疾固辭卒贈少保賜祭葬廕
一子中書舍人詳見篤慶所編相國年譜中余

王父恩選明經公少保公仲子也諱泰象字仲開為諸生有

聲年三十於泰昌元年庚申十月恩選貢元此後以疾廢業

以明經終余

老父明經公諱紱字孔繡號似聖相國之長孫明經公之

冢子也自少逮事相國習於家訓讀書行文馳聲藝

苑弱冠膺選拔棄美職不就俛首事舉子業終困場屋

而詩歌古文詞傳於世我母韓氏

敕封文林郎松江府推官諱茂宗韓公長女

--	--	--	--	--	--	--	--	--	--

崇禎十五年壬午春正月二十日巳時篤慶生

是時先相國里居以左髀抱疴艱於動履年已古稀日夜冀得曾孫以娛暮景已而聞吾父誕育不肖輒然慰悅病體為之少減賜予乳名曰重慶謂家瑞稠疊也彌月後每呼乳母不時抱持至榻前撫摩含飴以為笑樂錦襲繡祿殆朝夕無間矣余兄弟雖余齒最長得承相國顏色者累月實生平大幸也是年秋七月廿六日相國乘箕尾時吾父年二十三歲吾母年十八歲

崇禎十六年癸未余年二歲春三月三日兩妹生二十日曾王父相國大葬禮成

時海內將亂去歲相國諫聞於朝恤典已下所司遣官賜
諭祭諭葬特贈少保給塋田八百畝三月廿八日禮葬於
城北賈村之賜阡薦慶雖未與成人然得附曾孫之列
亦幸矣

皇清順治元年甲申余年三歲春三月鼎湖變作海邦土
寇蠱起余全家避亂入東山已而齊魯稍定余家返舍
冬十月老父考選拔貢出督學房公之驥之門

順治二年乙酉余年四歲春三月老父赴都入監遂留秋試八月
旋里

順治三年丙戌余年五歲出就外傳

順治四年丁丑余年六歲從王溪譚先生學夏六月十四日淄城為
高苑賊謝千所陷已而大軍圍賊城中七月十一日克城賊悉平
十六日余二弟錫慶生

先是城中有諸無賴貴游子弟及數十惡少年行不軌導賊夜入
城城遂潰謝賊盤據城池為搶擄計欲飽而颺耳不意青濟
二郡大兵陸續圍城既而都統率滿兵守臺監軍皆至賊如
游釜中不得出然淄城創修未久堅完高峻城中粟米守禦
之具畢備賊遂脅居民守城圖存苟活且以連旬積雨賊
屢欲遁不得脫官軍時以大砲擊城中雷轟電掣礮石縱
橫城中莫敢仰視吾家七叔祖與賊黨丁可澤有夙怨丁

入城叔祖被執罵賊不屈死吾家餘皆閉門靜守無見害
者及官軍用火破城平賊吾家以不從賊為監軍道張公尚
察明曲賜於宥當此火炎崑岡城中居人玉石莫辨駢首
罹災若如戮難狗而吾家老穉幸獲生全固屬天佑而亦
相國之隱德蔭庇後人也當是時余雖童騃往已從戟林
劍樹中見死人枕藉血流滿庭彼時未知懼也至今回思尚
覺魂驚骨慄憶其間或偶得一瓢米漿老幼爭飲之立盡
如啖甘蔗時流血入井欲汲復無綆僮僕輩渴極有掬馬
溺而飲者不堪為承平人道也大軍將畔甲吾家老幼咸
集於伯祖孝廉公之西閣不啻百餘人其前庭則監軍

道張公舊與吾家通譜故時來周恤顧視余家之賴以保全
皆此公鎮撫力也及七月望日大軍封刃上城人民安堵十六夜
余二弟錫慶生於西閤八月余從乳母譚氏出居伊家西閤兩月
月是歲十月伯祖孝廉公以痰病暴卒吾家門祚衰涼日就凌替
順治五年戊子余年七歲復從譚先生學冬十月四日三弟履慶
生十二月吾父有鹿角山被誣之禍

先是有盜薊山峇曰鹿角山明季伯祖奉上命創修以避敵
者至是為土寇占據遂有勢宦垂涎吾家欲借端下石以
窩隱劄賊誣陷吾家彼則居間吞噬居援手功十二月先
拘世父綿繫請室既而並逮兩叔祖及老父與諸叔蓋絕

流計也兩叔祖已入京于安津為消釋地老父與兩叔皆繫
省城獄是時余雖幼憊無緹縈智慮然見老父遭難亦稍解
其故戚戚然不自得

順治六年己丑余年八歲二月廿日老父釋於獄還家祖母見之大痛
時吾家盡力營救各罄所有賂當事始得解下石者亦陰遂
其所欲果腹乃已而吾家美產冰消舊業瓦解矣

順治七年庚寅余年九歲

順治八年辛卯余年十歲從克峻鄭先生初學文是年秋余送

舅氏韓長公先生赴松江司李任

鄭先生吾祖母之妙子也端方凝重訓誨不倦余執經五年蓋

深得力焉余舅氏以丁亥進士選雲間節推余隨老母往送之
城北舅氏謬余以童子文稱異之

順治九年壬辰余年十一歲春三月我父為吳越之游夏秋間王母
病幾危我父十月反里門

時同邑沈先生為浙東監司入覲回任招吾父南游因同至四
明而山陰會稽間亦多游跡唐豫公先生相國丁丑所得士
也為吾父序所為南游小詠刻之於師子林已而道過松江
晤余舅氏於署中信宿月餘忽聞王母病乃急歸十月抵
里王母病小愈是時也吾舅不鄙其童子寄余銀墨池一
座銀圖書一紐蘇長公墨妙一部吾舅自寫墨竹林一幅

流計也兩叔祖已入京于要津為消釋地老父與兩叔皆繫送
省城獄是時余雖幼憊無緹縈智慮然見老父遭難亦稍解
其故戚戚然不自得

順治六年己丑余年八歲二月日老父釋於獄還家祖母見之大痛
時吾家盡力營救各罄所有賂當事始得解下石者亦陰遂
其所欲果腹乃已而吾家美產冰消舊業瓦解矣

順治七年庚寅余年九歲

順治八年辛卯余年十歲從克峻鄭先生初學文是年秋余送

舅氏韓長公先生赴松江司李任

鄭先生吾祖母之姊子也端方凝重訓誨不倦余執經五年蓋

深得力焉余舅氏以丁亥進士選雲間節推余隨老母往送之
城北舅氏課余以童子文稱異之

順治九年壬辰余年十一歲春三月我父為吳越之游夏秋間王母
病幾危我父十月反里門

時同邑沈先生為浙東監司入覲回任招吾父南游因同至四
明而山陰會稽間亦多游跡唐穆公先生相國丁丑所得士
也為吾父序所為南游小詠刻之於師子林已而道過松江
晤余舅氏於署中信宿月餘忽聞王母病乃急歸十月抵
里王母病小愈是時也吾舅不鄙其童子寄余銀墨池一
座銀圖書一紐蘇長公墨妙一部吾舅自寫墨竹林一幅

蓋踐其臨別之言也嗚呼孰知未及二載舅氏竟歿於虎邱
華亭鶴唳無後來音矣悲夫

順治十年癸巳余年十二歲春三月六日祖母王太孀病劇覲見
紅蓮含笑而逝年六十二歲

祖母惟育吾父一人及諸姑其餘諸叔皆庶出也祖母素有樛
木懿德中年以往長齋繡帟持戒精虔存心仁厚既喪亂
後愈從勤儉嘗持一銅髻簪示人曰此物已五年餘矣其者
約皆此類篤慶自八歲以還晨昏日侍吾祖母詔余寢食
祖母沒後幾亡無依哀號不能一息忘至今時憶音容也

順治十年甲午余年十三歲春三月吾父為祖母營墓於西